



LOCAL SPECIAL \$70.--

+ 12% SERVICIO

PA 4 PERSONA DEN SUITE ROH
OFERTA VALIDO FULL NOVEMBER TE CU
DECEMBER 18, 1998



TEL: 879000

Presentacion Teatral "E Laberinto di Amor" awenochi na Galeria Eterno

ORANJESTAD (AAN) -- Fundacion Eterno, cu tin como meta promove arte contemporaneo na Aruba, ta presenta awenochi pa 8'or, un 'performance' yama "E Laberinto di Amor", cu intencion di trece reflexion den nos comunidad.

Un performance ta un presentacion teatral cu ta diferente na teatro convencional den e aspecto cu e plot ta hunga un rol secundario y caminda ta e integrante nan cu nan movimiento den e espacio existente, of crea, ta bira e focus di e presentacion.

E proyecto aki ta un proyecto piloto di Eterno cu ta planea pa forma parti di e proyecto mayor cu lo tuma lugar na November 1999, en conexion cu e di 500 aniversario di e viahe di "descubrimiento" di

Alonso di Ojeda den Caribe y pasando asina banda di Aruba.

Pa dirigi e performance aki Eterno a invita e directora Argentina, Norma di Primio, pa bin Aruba pa asina reuni y prepara e grupo pa medio di su tayer di trabao di teatro trascendente pa asina yega na e presentacion di "E Laberinto di Amor".

Norma di Primio ta specializa den terapia antropologico tambe den e area di crecimiento creativo. E ta un actriz y bailarina y a studia na Universidad di Buenos Aires, Instituto di Danza di Teatro Colon na Mudra, Bruselas, Antropologia teatral, y tambe cu e maestro Butoh Hijikata. Su orientacion sea den terapia, areanan di creatividad, crecimiento personal, y

arte ta apoya den e vinculacion y resignificacion di conceptonan.

HOMBER-MENTE- COSMOS Y CIENCIA ARTE:

Norma mes ta describi teatro-danza trascendente como un expresion cu tin su raiznan den e sincretismo religioso cultural cu a resulta despues di e encuentro di e culturanan cu a cuminsa cu e descubrimiento di America.

For di e forma sagrado y profananan aki e ser humano ta reuni cu e unidad humano y cosmico di e ser. Mas cu teatro den su presentacion e ta un ritual y un espectaculo di participacion.

"E Laberinto di Amor" ta worde presenta awe, diabierna 13 di november pa 8'or di anochi den Studio

Galeria Eterno, situa na J.G Emanstraat-92.

ELENCO

E integrantenan di e performance ta Glenda Heyliger, Madelene Kelly, Belinda van der Linden, Ryan Oduber, Osaira Muyale, Alida Martinez, Samuel Eman y Norma di Primio.

PA MAS INFORMACION

Pa mas informacion of pa reserva yama libremente na telefon 839484. Por asisti maximo 100 persona.

Eterno ta gradici y felicita e participantenan di antemano pa e gran esfuerzo y valentia cu nan a demostra cu nan viahe fantastico pero tambe misterioso y desconoci den e laberinto interno di cada ser.